



Javno preduzeće/poduzeće

Regionalni vodovod „Plava voda“ d.o.o. Travnik

Broj:

Datum: 1. VI 2012.g.

PROJEKAT „PLAVA VODA“

Informacija za učesnike Projekta:

„Akademija za građane“

JP RV „Plava voda“ d.o.o. Travnik:

VD Zamjenik direktora:

Ivica harambašić, dipl.prav.-krim.

Direktor:

mr.sc.Ernad Granić, dipl.ing.

Juni, 2012.g.



Uvod - kratak historijat Projekta „Plava voda“

Ova Informacija je sačinjena sa ciljem da se učesnicima Projekta „Akademija za građane“ sumarno i što preglednije prezentira Projekat „Plava voda“.

Naime, kao što je poznato, ideja o implementaciji Projekta „Plava voda“ datira je još od 80-ih godina, a sve u cilju dugoročnog unapređenja vodosnabdijevanja općina Travnik i Zenica. Kao zainteresirane strane, tj. potencijalni učesnici realizacije Projekta su u većoj ili manjoj mjeri uvijek bile prisutne i općine Novi Travnik i Vitez, a kasnije i Busovača.

S tim vezi, postignut je i „Društveni dogovor o izgradnji i korišćenju Regionalnog vodovoda „Plava voda“ za snabdijevanje pitkom vodom područja opštine Travnik, Pucarevo, Vitez i Zenica“ („Sl.Glasnik opštine Travnik, br.: 9/85), a nakon toga zaključen i „Samoupravni sporazum o međusobnim pravima i obavezama opština Travnik i Zenica u vezi sa osnivanjem radne organizacije Regionalni vodovod „Plava voda““ („Sl.glasnik opštine Travnik, 1987.g., br.: 6). Na osnovu ovog „Samoupravnog sporazuma“, Skupština opštine Travnik (na sjednici Vijeća udruženog rada, 14.12. 1989.g.) i Skupština opštine Zenica (na sjednici Vijeća udruženog rada i Vijeća mjesnih zajednica, 31.1.1990.g.) donijele su „Odluku o organizovanju Javnog preduzeća Regionalni vodovod „Plava voda“ Travnik“.

Realizacija Projekta je nastavljena poslije rata, a 30.06.2000.g., JP Regionalni vodovod „Plava voda“ Travnik sa Federalnim ministarstvom poljoprivrede, vodoprivrede i šumarstva sklapa „**Ugovor o koncesiji za korištenje vode izvorišta „Plava voda“ u Travnik za javno snabdijevanje vodom općina Travnik, Novi Travnik, Vitez, Busovača i Zenica**“. Neposredno nakon toga (04.07.2000.g.), Federalno ministarstvo poljoprivrede, vodoprivrede i šumarstva izdaje Rješenje o davanju saglasnosti za prenos prava, obaveza i odgovornosti utvrđenih Ugovorom o koncesiji sa javnog preduzeća Regionalni vodovod „Plava voda“ Travnik na „**Alpine BiH“ d.o.o. Travnik**.

Obzirom da se prava i obaveze iz Ugovora **nisu ispunjavale**, 2005.g. načelnici općina Travnik i Zenica iniciraju ponovno pokretanje Projekta „Plava voda“.



Sprovedene aktivnosti na Projektu „Plava voda“ u periodu 2005-2011.g.

Prikaz sprovedenih aktivnosti je zbog lakše preglednosti prikazan po određenim tematskim cjelinama, a ne redom hronološkog dešavanja.

1. Preregistracija i uspostava Preduzeća (JP RV „Plava voda“ d.o.o. Travnik).

U periodu 2005.g. kada je ponovo pokrenuta inicijativa za implementaciju Projekta „Plava voda“, JP Regionalni vodovod „Plava voda“ Travnik je bio u sastavu zajedničkog preduzeća „Alpine BiH“ i u tkzv. fazi „mirovanja“, tj. iako je formalno-pravno postojalo, ovo Preduzeće u praksi nije obavljalo predviđenu djelatnosti. Zbog toga je bilo potrebno sprovesti niz aktivnosti da bi se Preduzeće, u pravom smislu te riječi, ponovo stavilo u funkciju, pogotovo imajući u vidu da se u međuvremenu promijenila i zakonska legislativa u našoj državi koja se odnosi na registraciju i funkcionisanje privrednih društava. Najvažnije sprovedene aktivnosti po ovom pitanju su slijedeće:

-izvršena je **preregistracija Preduzeća**, odnosno donesena je „Odluka o usklađivanju statusa, oblika, kapitala i djelatnosti Javnog preduzeća/poduzeća Regionalni vodovod „Plava voda“ d.o.o. Travnik sa sjedištem u Travniku ul. Zenjak bb“ (Sl.novine Općine Travnik 14/09) pri čemu preregistrovano preduzeće ostaje **pravni sljednik** Javnog preduzeća „Plava voda“ Travnik;

-donešen je Statut Preduzeća;

-formirana je Skupština i Nadzorni odbor Preduzeća;

-formirana je Uprava Preduzeća (Direktor i VD Zamjenik direktora);

-uposlen je Tehnički sekretar na neodređeno vrijeme;

-na osnovu Ugovora o djelu omogućeno je obavljanje svih ostalih neophodnih funkcija Preduzeća (npr.: knjigovodstveni servis i sl.);

-osposobljene se kancelarije za rad Preduzeće i nabavljena osnovna i pomoćna materijalna sredstva (namještaj, kompjuterska oprema, telefoni, fax, vozilo,..);

-uspostavljena WEB stranica i e-mail adresa;

-doneseni su svi potrebni pravilnici i akti za zakonsko i normalno funkcionisanje Preduzeća;

-stvoreni su preduslovi za upošljavanje i ostalog kadra u budućnosti - po potrebi;

-Preduzeće je u potpunosti preuzelo svu koordinaciju i rukovođenje Projekta „Plava voda“ te, do sada uspješno sve izvršilo sve planirane aktivnosti i postavljene zadatke od glavnih aktera Projekta (općine, banke, Europska komisija, relevantna ministarstva, agencije, itd.).

Prema dogovoru općina, finansiranje Preduzeće do početka ostvarenja prihoda (početka rada vodovodnog sistema) ide **na teret budžeta** Općina Travnik (51%) i Zenica (49%).



2. Vraćanje koncesije nad izvorištem „Plava voda“

Obzirom da su prava, obaveza i odgovornosti utvrđenih Ugovorom o koncesiji bili na „Alpine BiH“ d.o.o. Travnik, potrebno je bilo formalno i pravno koncesiju ponovo vratiti na starog (odnosno sada preregistrovanog) nosioca, tj. JP RV „Plava voda“ d.o.o. Travnik. Ovdje se naišlo na veliki otpor od strane predstavnika „Alpine BiH“ koji iako nisu ispunili svoje Ugovorom predviđene obaveze, nisu bili spremni odustati od prava na koncesiju.

Najvažnije aktivnosti ovog procesa vraćanja koncesije su slijedeći:

-JP RV „Plava voda“ d.o.o.Travnik podnosi Federalnom ministarstvu poljoprivrede, vodoprivrede i šumarstva (Komisiji za koncesije FBiH) **Zahtjev za povrat koncesije** sa „Alpine BH“ (22.1.2010.g.);

-Vlada FBiH usvaja informaciju Federalnog ministarstva poljoprivrede, vodoprivrede i šumarstva te donosi **Zaključak o raskidanju Ugovora o koncesiji sa „Alpine BH“** pri čemu sva prava iz Ugovora o koncesiji zadržava JP RV „Plava voda“ Travnik (odnosno novoregistrovano Preduzeće kao pravni sljednik);

-pristupa se sporazumnim izmjenama (Aneksa) Ugovora o koncesiji;

-usaglašava se Aneks Ugovora o koncesiji (predstavnicima: FMPVŠ, Komisije za koncesije FBiH, Općine Travnik i Općine Zenica na sastanku 10.11.2010.g.);

-Vlada FBiH usvaja prijedlog za plaćanje koncesije nad izvorištem „Plava voda“ („Sl. Novine FBiH“ br.: 43/11, 44, 18.07.2011.g.);

-Vlada FBiH usvaja Aneks Ugovora o koncesiji nad izvorištem „Plava voda“;

-Vlada FBiH donosi Odluku o davanju saglasnosti za potpisivanje Aneksa Ugovora o koncesiji za korištenje vode izvorišta „Plava voda“ u Travniku za javno snabdijevanje vodom općina Travnik, Novi Travnik, Vitez, Busovača i Zenica („Sl. novine FBiH“, broj 80/11, 30.11.2011.g.);

-14. XII 2011.g. potpisan „Aneks Ugovora o koncesiji za korištenje vode izvorišta „Plava voda“ u Travniku za javno snabdijevanje vodom općina Travnik, Novi Travnik, Vitez, Busovača i Zenica“ od strane Direktora JP RV „Plava voda“ d.o.o. Travnik i Federalnog ministra poljoprivrede, vodoprivrede i šumarstva.

3. Projektna dokumentacija i tehnički aspekt Projekta

Pokretanjem inicijative za ponovni pokušaj implementacija Projekta „Plava voda“, donesen je stav da se pristupi **ponovnoj izradi** sve potrebne projektne dokumentacije. Razlozi za to su bili ti što se do već urađene projektne dokumentacije od strane „Alpine BH“ nije moglo doći, a i zbog toga što je na samoj trasi vodovoda nastalo dosta izmjena (izgrađenih građevinskih objekata i sl.) što bi zahtjevalo velike troškove preprojektovanja.



S tim u vezi Europska banka za rekonstrukciju i razvoj (EBRD), na osnovu dogovora sa Državom BiH o finansiranju prioritetnih investicionih programa, kroz projekat „Danube Investment Support Facility“ (DISF) naručila izradu Studije izvodljivosti za Projekat „Plava voda“. **Studija izvodljivosti**, koju je uradila kuća „BCEOM/Jacobs Engineering Joint Venture“ 2007.g., sadrži slijedeće elemente:

- Porijeklo i opis projekta;
- Opis trenutnih uslova u zainteresiranim komunalnim preduzećima;
- Bilans voda u području obuhvaćenom Projektom i mogući scenarij sudjelovanja;
- Procjena projektnog dizajna i Investicijskog programa;
- Finansijska i ekonomska analiza predložene investicije;
- Pravna pitanja i investicione mogućnosti;
- Okoliš i
- *Prilozi:*
 - *Distributivne mreže vodoopskrbe i planirana proširenja u Travniku i Zenici;*
 - *Bilansa vode u projektnom području;*
 - *Podaci o kvaliteti vode sa postojećih izvora;*
 - *Postojeći smjer cjevovoda i ruta plinovoda;*
 - *Ekproprijacija i troškovi naknade;*
 - *Ključne brojke i finansijski omjeri;*
 - *Procjena općinskih finansija.*

Nadalje, Europska komisija (EC) je u sklopu projekta „Infrastructure Project Facility in the Western Balkans“ (IPF) odobrila **grant sredstva u vrijednosti od 600 000 EUR-a** za dalju pripremu projektne dokumentacije za Projekat „Plava voda“ uključujući i konsultantske usluge. Kuća koja je izabrana od strane EC da implementira ove aktivnosti je bila „WYG International“ koja je u svom daljem radu po potrebi vršila angažman drugih institucija (podizvođača) verifikvanih za određenu vrstu poslova (npr. Institut za hidrotehniku Građevinskog fakulteta u Sarajevu).

Na osnovu toga, u periodu 2009-2011.g. izvršeni su svi potrebni radovi mjerenja i snimanja što je rezultiralo slijedećom dobivenom dokumentacijom potrebnom za implementaciju Projekta „Plava voda“:

- **Idejni projekat** sa svim potrebnim komponentama kao što su:
 - ❖ *koncept sistema vodosnabdijevanja;*
 - ❖ *hidrološka istraživanja;*
 - ❖ *geološke podloge;*
 - ❖ *izbor tipa i vrste cijevi;*
 - ❖ *određivanje trase vodovoda;*
 - ❖ *određivanje trase odvojaka;*
 - ❖ *projekciju potrebnih objekata (vodozahvatni, hlorna i crpne stanice, rezervoari);*
 - ❖ *hidraulički proračuni;*



- **Utvrđivanje izdašnosti i kvaliteta vode izvorišta „Plava voda“ (2010.g.)**
- **Studija za izdavanje prethodne vodne saglasnosti (juli, 2010.g.);**
- **Studija uticaja na okoliš (novembar, 2010.g.);**
- **Plan upravljanja otpadom (januar, 2011.g.);**
- **Studija vodozaštite izvorišta „Plava voda“ (2011.g.);**
- **Glavni projekat sa revizijom (i svim potrebnim elementima) (2011.g.).**
- **Elaborat: Zaštita izvorišta „Plava voda“.**

Navedena dokumentacija predstavlja veliki dio ukupno potrebne projektne dokumentacije za **dobivanje građevinske dozvole** za izgradnju vodovoda „Plava voda“.

Bitno je napomenuti da je naknadno u nevembru 2011.g. (u fazi kada je revidiranje Glavnog projekta već bilo gotovo završeno), Preduzeće dobilo zahtjev od općine Travnik) JKP“Bašbunar“ o **preprojektovanju** rezervoara Dolaca na lokaciju Gostunja i da se trenutno sprovede potrebne aktivnosti da se taj zahtjev ispuni.

4. Osiguranje potrebne dokumentacija - dozvola

Obzirom da se Projekat „Plava voda“ odnosi na dva kantona (SBK i ZE-DO) te da je to prvi vodovod regionalnog (u stvari Federalnog) karaktera, posebno značajan segment implementacije Projekta predstavlja dobivanje potrebnih saglasnosti i dokumentacije.

Po tom pitanju, do sada je za Projekat „Plava voda“ urađeno sljedeće:

-Izdato je „**Rješenje o prethodnoj vodnoj saglasnosti**“ od strane „Agencije za vodno područje rijeke Save“ (UP-I-25-1-40-462-2/10, od 21.9.2010.g.);

-Izdato je „**Rješenje o odobrenju Studije o uticaju na okoliš**“ od strane Federalnog ministarstva okoliša i turizma (UP-I/05-23-435-5/10 SN, od 05.7.2011.g.);

-Izdato je „**Rješenje o okolinskoj dozvoli**“ od strane Federalnog ministarstva okoliša i turizma (UP-I/05-23-435-6/10 SN, od 10.10.2011.g.) i očekuje se dobivanje klauzle pravosnažnosti ovog Rješenja.

-Izdato je „**Rješenje o urbanističkoj saglasnosti**“ za izgradnju Regionalnog vodovoda „Plava voda“ (UP/03-23-2-1/12 od 07.05.2012.g.)



Napominjemo da je za dobivanje ovih dokumenta, kao preduslov, bilo je potrebno sprovesti i niz drugih aktivnosti i podaktivnosti (npr. javne rasprave) koje zbog prirode ovog Izvještaja nećemo ovdje detaljno navoditi.

Trenutno Preduzeće priprema ostalu potrebnu dokumentaciju za **dobivanje odobrenja za građenje** Regionalnog vodovoda „Plava voda“ (**građevinske dozvole**).

Također je bitno napomenuti da je i izrada „**Elaborata o eksproprijaciji**“ za potrebe izgradnje vodovoda u svojoj **završnoj fazi**. Ovaj Elaborat je potreban da bi se proglasio **javni interes** Projekta „Plava voda“ sa Federalnog niva te da bi se pristupilo rješavanju imovinsko-pravnih odnosa (**eksproprijaciji**) u sklopu dalje realizacije Projekta.

5. Osiguranje finansijskih sredstava za implementaciju Projekta „Plava voda“

Na osnovu Protokola o financiranju komunalne infrastrukture potpisanog 2004.g. od strane BiH, i potvrđivanjem spremnosti FBiH da podrži financiranje odabranih prioriternih projekata (jedan od tih prioriteta je i Projekat „Plava voda“), EBRD je 2006.g. potvrdio interes za učestvovanje u financiranju Projekta „Plava voda“ sa iznosom od **20 miliona EUR**.

Na osnovu potvrđenog interesa i pregovora, te pisma namjere EBRD-a, 08.05.2009.g. potpisan je „Sporazum o nastavku realizacije Projekta „Plava voda““ od strane općina: Travnik, Zenica, Novi Travnik, Busovača i Vitez.

Da bi se ispunile dalje obaveze prema EBRD-u, u sklopu IPF projekta (kao grant) izrađeni su i slijedeći dokumenti:

- „**Izvještaj o procjeni okolišnih i socijalnih uticaja**“ (juli, 2011.g.);
- „**Plan učešća interesnih grupa**“ (juni, 2011.g.);
- „**Okvir za preseljenje i naknade**“ (juli, 2011.g.);
- „**Netehnički rezime**“ Projekta (juli, 2011.g.)

Preduzeće je sve ove dokumente stavilo na raspolaganje javnosti preko web-stranice i info-pultova u svim općinama.

Nadalje, na zahtjev EBRD-a, Preduzeće je održalo **javne konsultacije u svim općinama** (oktobar-novembar 2011.g.) vezano za socijalni i okolinski uticaj Projekta te postavljena pitanja sa odgovorima objavilo na svojoj web-stranici.

Preduzeće je, na zahtjev EBRD-a, uspostavilo i unaprijedilo komunikaciju sa lokalnom zajednicom te, zajedno sa ostalim akterima Projekta, **riješilo pitanje ekološkog minimuma** vodotoka „Plava voda“. *Pitanje ekološkog minimuma je riješeno na taj način što je pored već određenih 200 lit/sek minimuma*



(od strane Agencije za vode) u koritu Plava voda na turističkom lokalitetu, Okolišna dozvola izdata pod uslovom da Preduzeće osigura još dodatnih 200 lit/sek tehničkim rješenjem (što znači da je ukupan ekološki minimum 400 lit/sek). Sredstva potrebna za realizaciju ovog zahtjeva se također planiraju dobiti u sklopu ukupnog kreditnog zaduženja i prema Okolišnoj dozvoli procjena je da ona iznose 4 miliona KM (uključujući i **turističko uređenje lokaliteta Plava voda**), a tačan iznos će biti jasan nakon izrade Projekta turističkog uređenja za koji je nadležna Općina Travnik (**Projektni zadatak za turističko uređenje lokaliteta „Plava voda“ je od strane tima Općine Travnik već dobrim dijelom izrađen**).

Nakon što se, zbog potrebe finansiranja eksproprijacije, u implementaciju Projekta „Plava voda“ uključila i **Banka Vijeća Europe (CEB)**, Preduzeće je uspješno sprovedo sve aktivnosti koje su bile potrebne za aktivno uključenje i ove Banke u proces pripreme kreditnog financiranja (prezentacija Projekta Banci, terenski obilazak općina učesnica i trase vodovoda, osiguranje potrebne dokumentacije i sl.).

Preduzeće po preporukama banaka, već sa općinama radi na usaglašavanju preliminarnih prijedloga strukture tendera (LOT-ova) za izgradnju vodovoda.

Također, Preduzeće kao i svi ostali akteri Projekta, konstantno ulažu napore da osiguraju **dobivanje grantova za rekonstrukciju vodovodnih mreža** u svim općinama učesnicima Projekta koji bi prema procjenama trebao da iznosi cca **po 1 milion KM** za svaku općinu. Iako za dobivanje ovih grantova još nema čvstih garancija, velika je vjerovatnoća da će oni u sklopu dalje realizacije Projekta „Plava voda“ biti osigurani.

Kao jedan od uslova za odobravanje kredita od strane banaka, navedena je potreba jasnog definisanja finansijske konstrukcije vraćanja kredita odnosno jasnog definisanja ugovornih obaveza **između općina, općinskih komunalnih preduzeća, JP RV „Plava voda“ i banaka**.

Sve informacije o Projektu „Plava voda“ zainteresirane osobe mogu dobiti:

- **na web stranici: www.jprvplavavoda.ba;**

- **u prostorijama Preduzeća na adresi: Zenjak bb, Travnik.**